

ԱՐՑԱԽԵԱՆ ՕՐԱԳԻՐ

Ապրիլ ամսուայ առաջին օրերին Արցախում պահպանուեց լարւած իրավիճակը, որ վերջին շրջանում կրկին սրուել էր: Չինուած առնակատումները աւելի կատաղի եւ լայնամասշտաբ բնոյթ ընդունեցին յատկապէս Գետաշէնի եւ Բերդաձորի ենթաշրջաններում:

Ապրիլի 5ին ստացուած հաղորդագրութիւններում ասում է. «Գետաշէն եւ Մարտունաշէն գիւղերը շարունակում են գտնուել անընդհատ յարձակումների օղակի մէջ: Շրջապատման մէջ գտնուող Գետաշէնի ճանապարհները ականապատուած են եւ Շահումեանի կողմից օգնութեան ոչ մի հնարատրութիւն չկայ: Միակ կապն արտաքին աշխարհի հետ իրականացում է ուղղաթիռներով: Ականանետերի հարուածներից բանդուել են մի բանի տներ: Կայ մէկ վիրատր, սպանուել է Մարտիրոս Շահնագարեանը: Աղբբեջանական պաշտօնական աղբիւրների հաղորդումների համաձայն, ազերիները միջոցառումներ են ձեռնարկում լրացուցիչ ՕՄՕՆի ուժեր Արցախ տեղափոխելու ուղղութեամբ»:

Ապրիլի 5ին ՀՀ ՆԳ նախարարի պաշտօնակատար Աշոտ Մանուչարեանը հեռագրեր է ուղարկել ԽՍՀՄ ՆԳՆ օպերատիւ շտաբին, Աղբբեջանի ՆԳ նախարար Տ.Ասադովին, որ ասում է. «Այս տարուայ Ապրիլի 4ին ժամը 8.30ից մինչեւ Ապրիլի 5ի ժամը 1.30ը Թովուզի շրջանի Ալիբէյլի գիւղի կողմից ականանետից եւ ինքնաձիգ հրազէնից պարբերաբար գնդակոծուել է Հայաստանի Տավուշի շրջանին եւ Այգեպատ գիւղին յարող տարածքները:

Ապրիլի 3ին ժամը 18.00ին Ղազախի շրջանի Ակսիպար գիւղի կողմից ինքնաձիգ հրազէնից գրնդակոծուել է Իջեւանի շրջանի Բերքաբեր գիւղի դաշտում աշխատող տրակտորը: Տուժածներ չկան:

Ապրիլի 4ին ժամը 17.50ին Ղազախի շրջանի Բարխուդարլի գիւղում տեղակայուած 31749 զինմասի զինձառայողներ Մորոզովը եւ Կիրեակը հարբած վիճակում 373 համարի S-62 տանկով ներխուժել են Իջեւանի շրջանի Ազատամուտ գիւղի տարածքը, ընկուզենիների տնկարանում մի բանի ծառ տապալելով՝ կրակ են բացել գիւղի վրայ: Տանկը զինձառայողների հետ միասին վերադարձուել է ծառայութեան վայր:

Ապրիլի 4ին ժամը 23.30ին Աղբբեջանի Ղազախի շրջանի Ներքին Ակսիպար գիւղից ներքին գործերի շրջանային բաժանմունքի միլիցիաները ինքնաձիգով 20 բռպէ կրակել են Հայաստանի Նոյեմբերեանի շրջանի Ոսկեպար գիւղի միլիցիայի պահակակէտի վրայ: Պատասխան կրակ չի եղել: Տուժածներ չկան»:

Հեռագիրն ուղարկուել էր ի պատասխան Ապրիլի 4ին «Կոմսոմոլսկայա պրաւդա» թերթում տպագրուած ԽՍՀՄ ՆԳՆ այն հաղորդագրութեան, ըստ որի իբր թէ այդ օրերին 70 հայ գրոհայիններ կրակ էին բացել Աղբբեջանի Ղազախի շրջանի Ակսիպար գիւղի տարածքում գտնուող խորհրդային զօրամասերից մէկի պահակակէտի վրայ: Ըստ ստայոյ հաղորդագրութեան, գոհուել էին 15 գրոհայիններ, առգրաւել էին «Մոսկովիչ» եւ «Նիւա» մակնիշի մեքենաներ, ինչպէս եւ գրահապատուած հանրակառք: Հաղորդագրութեան մէջ նշուած էր նաեւ, որ վիրատրուել է վաշտի հրամանատար լեյտենանտ Դուշանալիեր:

Ինչպէս հետագայում ճշտուեց, յարձակումը կատարուել էր ազե-

ԱՐՑԱԽԵԱՆ ՕՐԱԳԻՐ

Սկիզբը էջ 12

րիների կողմից:

Ապրիլի 7-8ին Գորիս-Ղափան ճանապարհի վրայ ազերիները յարձակումներ են գործել անցնող մեքենաների վրայ: Ապրիլի 8ի վաղ առաւօտեան, նման յարձակման ժամանակ, հայկական ինքնապաշտպանութեան ջոկատները բախուել են յարձակուողների հետ Շուռնուխ եւ Որոտան գիւղերի շրջակայքում: Հայերից կան 5 վիրատուներ, իսկ ազերիներից՝ սպանուածներ: Դէպից յետոյ Գորիս-Ղափան ճանապարհը փակուեց: Այնուհետեւ բանակցութիւններ սկսուեցին ընդհարումները դադարեցնելու նպատակով:

Ապրիլի 3ին ժամը 10.20ին Շուշիի շրջանի Թուրսուսու բնակավայրի մօտակայքում վթարի է ենթարկուել ՄԻ-8 ուղղաթիւը, որի մէջ գտնուել են Ադրբեջանի մի խումբ պատասխանատու աշխատողներ, պատգամաւորներ, Շուշիի շրջաօդային նախագահը, Ներքին գործերի նախարարի տեղակալ Եուսուֆովը: Ըստ պաշտօնական հաղորդագրութեան, զոհեր չկան: Յայտնի է, որ վթարը տեղի է ունեցել ուղղաթիւի մէջ առաջացած իրդեհի պատճառով:

Միաժամանակ, Ադրբեջանի ներքին կեանքում տեղի են ունենում խմորումներ, որոնք ոչ երկրորդական ազդեցութիւն են ունենում եւ ունենալու են ապագայում անմիջականօրէն արցախեան մըր-

նուորտի վրայ: Ամրապնդուող տարբեր քաղաքական կազմակերպութիւնների մօտ անում է դժգոհութիւնը Ադրբեջանի ողջ տարածքում պահպանուող յատուկ դրութեան, կոմունիստական վարչակարգի հանդէպ:

Անցած Ուրբաթ կամ Շաբաթ օրերը Աղղամ քաղաքում տեղի ունեցաւ Ադրբեջանի նախագահ Այազ Մուրադիբովի հանդիպումը ԼՂԻՄի սահմանակից ադրբեջանական շրջանների ղեկավարութեան հետ:

Ապրիլի 9ին Ստեփանակերտ այցելեց ԽՍՀՄ Ներքին գործերի նախարարի առաջին տեղակալ գործակար Գրումովը: Այցն ընթանում էր գաղտնի, յայտնի է միայն, որ Ստեփանակերտում նա երկարատեւ խորհրդակցութիւն ունեցաւ այսպէս կոչուած «հանրապետական կազմկոմիտէի» եւ ԼՂԻՄի իրաւապահ մարմինների պատասխանատու գործիչների հետ: Նշենք նաեւ, որ Մարգի կուսակցական ղեկավար Հրանտ Մելիքեանը չի ցանկացել հանդիպել Գրումովի հետ, որը նոյն օրը երեկոյան ժամը 19ին վերադարձել է Մոսկուա:

Ենթադրում է, որ այս հանդիպումները հետապնդում են մարզում «կայունութիւն» հաստատելու նպատակը: Նշենք, որ կայունութեան անուան տակ Մոսկուան ու Բաքուն հասկանում են մինչ 88 քուականի վիճակի վերականգնումը:

Ինչպէս հաղորդում է Բաքուի ռադիոն, «Հայաս» քերթում տը-

պագրուել է մի քղթակցութիւն այն մասին, որ Ապրիլի 9ին Նախիջեւանի ինքնավար Հանրապետութեան Սաղարակի եւ Հայաստանի Արարատի շրջանների սահմանակէտում տեղի է ունեցել երկկողմեայ ներկայացուցիչների հանդիպում: Հանդիպմանը մասնակցել են Սաղարակի շրջաօդային նախագահ, կուսշրջկոմի առաջին քարտուղար Քյազիմովը, վարչական մարմինների եւ հասարակական կազմակերպութիւնների ներկայացուցիչներ, հայկական կողմից՝ Արարատի շրջաօդային նախագահը, Արարատի քաղգործկոմի նախագահը, ՀՀԳԽ մի պատգամաւոր, եւ այլ անձինք: Հանդիպման ժամանակ նշուեց, որ վերջին տարիներին տեղի ունեցած իրադարձութիւնները բարոյաքաղաքական տեսակետից բացասական ազդեցութիւն են գործել թէ՛ Շարուրիի, թէ՛ Սաղարակի, թէ՛ Արարատի շրջաններում, պատճառ դարձել տնտեսական իրավիճակի վատթարացման: Հանդիպման մասնակիցները բնարկեցին իրադրութեան կարգաւորման ուղիները, համաձայնութիւն յայտնեցին փոխադարձ կապերի, յատկապէս առերտրական կապերի վերականգնման հարցում, առանձնապէս ընդգրծեց, որ առնակատումը ձեռնտու չէ եւ ոչ մի կողմին: Լուրջ խօսակցութիւն ծաւալուեց Սաղարակի շրջանի Քյարքի գիւղը յետ վերադարձնելու շուրջ: Կողմերը պայմանաւորուեցին կազմակերպել լրացուցիչ հանդիպում: